



Republika e Kosovës
Republika Kosova – Republic of Kosovo
Qeveria – Vlada – Government

Ministria e Arsimit, Shkencës, Teknologjisë dhe Inovacionit
Ministarstvo Obrazovanja, Nauke, Tehnologije i Inovacije
Ministry of Education, Science, Technology and Innovation

**INFORMATA,
UDHËZIME
DHE RREGULLA PËR NXËNËS**

PËR TESTIN E ARRITSHMËRISË 2020

Prishtinë, maj 2020

HYRJE

Testi i Arritshmërisë (TA) është vlerësim i arritjeve, njohurive, shkathtësive dhe aftësive të nxënësve, të cilat nxënësit i kanë fituar gjatë arsimimit të tyre në fund të Nivelit II (klasët 6 – 9) të Arsimit Parauniversitar në përputhje me Kurrikulën shtetërore të Republikës së Kosovës.

Bazuar në Ligjin për Arsimin Parauniversitar në Republikën e Kosovës (Nr. 04/L-032) neni 5, pika 1.11, MASHTI organizon vlerësimin e jashtëm në fund të nivelit II. Ndërsa sipas Udhëzimit administrativ 08/2016 për vlerësimin e nxënësve, përkatësisht neni 14, pika 14.4, vlerësimi i jashtëm i nxënësve në fund të nivelit II (mbarimi i klasës së 9-të) ka karakter orientues për nxënësit që vazhdojnë shkollimin e mesëm të lartë dhe ju shërben autoriteteve qendrore dhe komunale për të identifikuar nivelin e arritshmërisë dhe rezultatet e nxënësve në fund të këtij niveli arsimor.

Testit të Arritshmërisë i nënshtrohen të gjithë nxënësit të cilët kanë përfunduar klasën e 9-të në shkollat e Republikës së Kosovës. Nga testi i arritshmërisë lirohen nxënësit me nevoja të veçanta të cilët janë arsimuar me Plan Individual të Arsimit (PIA) dhe ata me fusha të aktiviteteve.

Testi i Arritshmërisë 2020 do të mbahet të martën, më 23 qershor 2020, në të njëjtën kohë për të gjithë nxënësit. Në kushte të pandeminë dhe në përputhje me rekomandimet e Institutit Kombëtar të Shëndetësisë Publike të Kosovës (IKSHPK), Testi i Arritshmërisë do të organizohet në atë mënyrë që të ketë numër sa më të vogël të nxënësve brenda një qendre të testimit dhe brenda klasave të testimit në të njëjtën kohë.

Testi i Arritshmërisë 2020 do të mbahet brenda një dite për të gjithë nxënësit. Testi do të ketë gjithsej 80 kërkesa (pyetje, detyra), nga gjithsej 9 lëndë dhe do të zgjasë 120 minuta (2 orë). Në test përfshihen lëndët: Gjuhë shqipe, Gjuhë angleze, Histori, Gjeografi, Matematikë, Informatikë, Fizikë, Kimi dhe Biologji.

DATA DHE AFATE ME RËNDËSI

Data / Afati	Aktiviteti
8 – 19 qershor 2020	Mësimi plotësues për përgatitje për TA
23 qershor 2020	Realizimi i Testit të Arritshmërisë
30 qershor 2020	Shpallja e rezultateve të Testit të Arritshmërisë
30 qershor – 2 korrik 2020	Shqyrtimi i ankesave për rezultatet e Testit të Arritshmërisë
3 korrik 2020	Shpallja e rezultateve të ankesave

INFORMATA DHE RREGULLA TË PËRGJITHSHME

Të gjithë nxënësit duhet të njoftohen, nëpërmjet të Kujdestarit të Klasës, së paku tri ditë më herët për Qendrën e Testimit (QT), kohën e saktë dhe numrin e Klasës ku do të hyjnë në Testin e Arritshmërisë (TA).

Ditën e testimit të gjithë nxënësi nxënësit duhet të marrin me vete laps grafit HB (jo kimik), meqë përgjigjet do të lexohen në mënyrë automatike nga lexuesi optik, i cili kërkon që fletë-përgjigjja të plotësohet me laps HB.

Ditën e testimit nxënësit e kanë të ndaluar të marrin me vete çfarëdo telefoni, pajisje apo mjete që mund të përdoret për komunikim, qasje në internet, fotografim, kopjim, shpërndarje apo për ndihmë tjetër gjatë mbajtjes së Testit. Kushdo që merr me vete pajisje apo mjete të tilla nuk do të lejohet të futet në Qendrën e Testimit.

Nxënësit që kanë ndonjë nevojë të veçantë, vështirësi të caktuar, apo për ndonjë arsye tjetër nuk paraqiten në ditën e testimi, duhet ta informojnë kujdestarin e kasës së paku një orë para kohës së caktuar për fillimin e Testit.

Preferohet që ditën e testimit të gjithë nxënësit të kenë me vete nga një shishe me ujë, meqë uji nuk do të ofrohet në qendrat e testimit. Preferohet që nxënësit të flenë mjaftueshëm natën para testimit dhe të jenë të pushuar ditën e testimit.

RREGULLAT QË LIDHEN ME MBROJTJE NGA COVID 19

Gjatë gjithë kohës që janë në qendrën e testimit (në ambientet e jashtme dhe të brendshme), të gjithë nxënësit dhe pjesëmarrësit e tjerë janë të detyruar që:

- Të mbajnë maskë, duke mbuluar gojën, hundën dhe mjekrën.
- Të mbajnë distancë të paktën 2.0 metra me të gjithë personat e tjerë.
- Gjatë teshtitjes ose kollitjes të mbajnë të mbuluar gojën dhe hundën me këndin e bërrylit.
- Të kenë me vete faculeta xhepi, të cilat mund t'ju duhen në rast të teshtitjes, kollitjes, dezinfektimit apo pastrimit të duarve.
- Të dezinfektojnë duart me rastin e hyrjes në klasë dhe daljes nga klasa (dezinfektuesi duhet të jetë i vendosur në klasë).
- Të zbatojnë të gjitha rregullat dhe rekomandimet e tjera që kërkohen nga personat zyrtarë të Qendrës së Testimit, të angazhuar për mbarëvajtjen e Testit të Arritshmërisë.
- Të zbatojnë të gjitha rekomandimet e IKSHPK-së që kanë të bëjnë me mbrojtje nga Covid 19.

Kushdo që nuk i respekton rregullat për mbrojtje nga Covid 19 do të largohet nga qendra e testimit dhe nuk do të ketë mundësi t'i nënshtrohet Testit të Arritshmërisë në këtë afat.

ORGANIZIMI KOHOR PËR DITËN E TESTIMIT

Ditën e testimit nxënësit dhe administratorët duhet t'i përmbahen orarit të prezantuar në tabelën në vijim:

Koha	Aktiviteti
08:15 – 08:30	Arritja e Administruesve në Qendrën e Testimit (shkollës)
08:30 – 09:00	Arritja e nxënësve në oborrin e Qendrës së Testimit së bashku me Kujdestarët e klasëve dhe rreshtimi i nxënësve sipas udhëzimeve
09:00 – 09:30	Hyrja e nxënësve me Administrues në Qendrën e Testimit dhe sistemimi në Klasën e Testimit
09:30 – 10:00	Ofrimi i udhëzimeve dhe sqarimeve për nxënësit në lidhje me broshurën dhe Fletë-përgjigjen nga Administruesi i Klasës përkatës
10:00	Fillon testimi
12:00	Mbaron testimi

RREGULLAT ME RASTIN E FUTJES NË QENDRËN E TESTIMIT

Të gjithë nxënësit duhet të jenë me kohë në Qendrën e Testimit, sipas orarit të shpallur, 60 minuta para orës së caktuar për fillim të testit. Vonesa mund të rezultojë me humbje të mundësisë për të hyrë në test.

Secili nxënës duhet të ketë maskë mbrojtëse të cilën duhet ta mbajë gjatë gjithë kohës së hyrje –daljeve nga Qendra e Testimit;

Secili nxënës duhet të ketë me vete laps grafit (1-2), faculetë xhepi dhe një shishe me ujë.

Me rastin e hyrjes dhe gjatë qëndrimit në oborrin e Qendrës së Testimit nxënësit duhet të ruajnë distancën prej së paku 2.0 metra nga personat e tjerë.

Çdo kujdestar i klasës, obligohet t'i rreshtojë nxënësit në distancë prej së paku 2.0 m në oborrin e shkollës dhe të presë ftesën nga Administruesi për t'u futur në Qendrën e Testimit.

Me rastin e hyrjes brenda Qendrës së Testimit nxënësit kontrollohen nga zyrtarët përgjegjës në hyrje të Qendrës së Testimit për posedimin e mjeteve elektronike.

Pas hyrjes brenda Qendrës së Testimit nxënësit shkojnë në mënyrë të organizuar në Klasën e Testimit ku janë të caktuar.

Me rastin e hyrjes në Klasën e Testimit nxënësi duhet t'i dezinfektojë duart (dezinfektuesi duhet të jetë i vendosur në klasë). Njësoj veprohet sa herë që nxënësi del nga Klasa e Testimit.

Në Klasën e Testimit vendosja bëhet vetëm nga një nxënës për bangë. Klasa do të ketë maksimum 15 kandidatë/banga, përkatësisht 3 kolona x 5 banga – varësisht nga madhësia e klasës. Bangat duhet të vendosen ashtu që distanca në mes të nxënësve të jetë së paku 2 mera.

Nxënësit e kolonës së djathtë dhe të majtë duhet të ulen me karrigen e tyre në skaje të bangës (afër murit), ndërsa nxënësit e kolonës së mesme duhet të ulen me karrigen e tyre në mes të bangës.

RREGULLAT GJATË MARRJES SË UDHËZIMEVE PËR TESTIN

Pas vendosjes në Klasë të Testimit dhe para fillimit të kohës së testimit, nxënësit do të marrin udhëzime nga Administratori në lidhje me mënyrën e plotësimit të testit dhe Fletëpërgjigjes.

Gjatë marrjes së udhëzimeve nga Administratori nxënësit duhet të mbajnë qetësi, në mënyrë që udhëzimet të kuptohen nga të gjithë nxënësit.

Gjatë marrjes së udhëzimeve nga Administratori nxënësit kanë të drejtë të bëjnë pyetje apo të kërkojnë sqarime shtesë nga Administratori në lidhje me mënyrën e plotësimit të testit dhe Fletëpërgjigjes.

Të gjitha të dhënat identifikuese në Fletëpërgjigje (si: emri, mbiemri, komuna, shkolla, paralelja, numri i ditarit, numri i sallës) plotësohen nga nxënësi gjatë kohës së marrjes së udhëzimeve nga Administratori.

Sipas nevojës, nxënësi mund të kërkojë ndihmë nga Administratori për plotësimin e këtyre të dhënave në mënyrë të duhur dhe të saktë. Në këtë rast nxënësit kërkojnë vetëm sqarimet dhe ndihmën më të domosdoshme.

Koha e udhëzimeve duhet të mbarojë njëkohësisht në të gjitha klasat e testimit pak para fillimi të testit. Testi fillon njëkohësisht në të gjitha klasat e testimit - në orën 10.00.

RREGULLAT GJATË TESTIMIT

Gjatë testimit nxënësit mund të kenë mbi bangë vetëm testin, fletëpërgjigjen, lapsin, ujin, maskën dhe faculetat e letrës.

Gjatë testimit nxënësit nuk mund të bëjnë pyetje, të kërkojnë sqarime apo ndihmë lidhur me Testin as nga Administratori as nga palët e tjera.

Gjatë testimit nxënësit duhet të mbajnë qetësi maksimale. Nuk lejohen pëshpëritje, të folur me zë, lëvizje që prishin qetësinë në Klasën apo në Qendrën e Testimit.

Gjatë testimit nxënësit nuk mund të përdorin asnjë mjet ndihmës (si telefon, kalkulator apo pajisje a mjet tjetër).

Gjatë testimit nxënësit nuk guxojnë të kthejnë kokën apo të kthehen anash më shumë se 45 gradë.

Gjatë testimit nxënësit nuk guxojnë të provojnë të flasin me njëri-tjetrin, të kopjojnë nga njëri-tjetri apo të ndihmojnë njëri-tjetrin.

Gjatë testimit nxënësi që ka nevojë për të shkuar në toalet, e ngre dorën lart (nuk flet me zë) dhe Administratori ofrohet për të dhënë leje për të dalë nga klasa nën mbikëqyrjen e zyrtarëve përkatës në Qendrën e Testimit.

Testi nuk lejohet të dalë nga klasa, të merret me vete në çfarëdo mënyre, të fotografohet, të kopjohet apo të publikohet nga nxënësit në asnjë formë.

Në momentin që administratori tregon se ka përfunduar koha e testimit, të gjithë nxënësit duhet t'i lëshojnë lapsat në bangë dhe t'i mbyllin testet. Nuk lejohet asnjë shënim a përgjigje pas përfundimit të kohës së testimit (120 minuta).

Nxënësit të cilët e përfundojnë testin mund të dalin nga Klasa e testimit me lejen dhe nën përcjelljen e Administruesit.

Mosrespektimi i kohës nga nxënësit mund të rezultojë me anulim të testit për secilin nxënës përgjegjës.

VËMENDJE: Mosrespektimi i cilësdo nga rregullat e sipërpërmendura gjatë kohës së testimit rezulton me përjashtim të nxënësve nga testimi dhe anulim të tërësishëm të rezultateve të tyre. Në raste të tilla, këta nxënës mund t'i nënshtrohen Testit të Arritshmërisë vetëm në afatin tjetër apo vetëm në vitin tjetër.

INFORMATA DHE UDHËZIME RRETH TESTIT TË ARRITSHMËRISË

Testi i Arritshmërisë përbëhet nga 9 lëndë dhe ka gjithsej 80 kërkesa (pyetje, detyra).

Nr.	Lënda	Nr. i kërkesave
1.	Gjuhë shqipe	15
2.	Gjuhë angleze	5
3.	Histori	10
4.	Gjeografi	10
5.	Matematikë	15
6.	Informatikë	5
7.	Fizikë	6
8.	Kimi	7
9.	Biologji	7

Testi i Arritshmërisë zgjatë 120 minuta (2 orë), duke filluar llogaritjen e kohës pas përfundimit të dhënies së udhëzimeve nga Administratori dhe fillimit zyrtar të testimit. Testi duhet të fillojë saktësisht në këhën e caktuar në udhëzimet e këtij testi për të gjithë nxënësit në të gjitha qendrat e testimit në Kosovë.

Nxënësit inkurajohen ta shfrytëzojnë gjithë kohën në dispozicion, meqë nuk ka pikë bonus nëse e përfundojnë testin më herët. Ata që e përfundojnë testin para kohe nuk mund të dalin nga klasa, prandaj duhet të qëndrojnë në klasë deri në përfundim të kohës së testimit pa penguar të tjerët.

Testi përbëhet nga:

1. **Broshura e testit**, në të cilën janë kërkesat (pyetjet, detyrat) dhe alternativat e përgjigjeve. Në broshurën e testit nxënësit kanë të drejtë të shkruajnë sipas nevojës.
2. **Fletëpërgjigjja**, në të cilën nxënësit i shënojnë të dhënat e tyre identifikuese dhe përgjigjet e tyre përfundimtare. **Kujdes:** në Fletëpërgjigje shënohen vetëm përgjigjet përfundimtare.

Mbani në mend: Vetëm përgjigjet e nxënësit të evidentuara në Fletëpërgjigje merren parasysh për vlerësimin e rezultatit të nxënësit – jo përgjigjet e shënuara në Broshurën e testit.

Nuk lejohet korrigjim i përgjigjeve pasi të evidencohen në Fletëpërgjigje sepse mund të mos lexohen nga lexuesi optik. Prandaj ju rekomandohet kandidatëve që fillimisht përgjigjet e tyre t'i evidencojnë në Broshurën e testit dhe pastaj, pasi të jenë të sigurt, t'i përshkruajnë përgjigjet në Fletëpërgjigje me kujdes dhe pa gabime.

Për çdo kërkesë (pyetje, detyrë) në test, ofrohen 4 mundësi/alternativa të përgjigjeve, prej të cilave vetëm njëra është e saktë.

Nuk ka minus pikë për përgjigje të gabuar. Në rast se kandidati nuk përgjigjet fare në ndonjë kërkesë (pyetje, detyrë), as nuk merr pikë e as nuk humbë pikë.

UDHËZIME PËR PLOTËSIMIN E FLETË-PËRGJIGJES

Të gjitha shënimet e kërkuara duhet të barten në Fletëpërgjigje. Se pari plotësoni emrin dhe mbiemrin si p.sh. nëse emri juaj është BASHKIM, ju se pari plotësoni në katroret e zbrazet emrin (një katror një simbol dhe në shtyllën përkatëse e ngjyroseni atë simbol(një shtyllë duhet ta ketë të ngjyrosur vetëm një simbol , si në simbol , si në fig.). Njëjtë plotësohet edhe mbiemri.

EMRI												
B	A	S	H	K	I	M						
A	●	A	A	A	A	A	A	A	A	A	A	A
●	B	B	B	B	B	B	B	B	B	B	B	B
C	C	C	C	C	C	C	C	C	C	C	C	C
●	●	●	●	●	●	●	●	●	●	●	●	●
D	D	D	D	D	D	D	D	D	D	D	D	D
E	E	E	E	E	E	E	E	E	E	E	E	E
●	●	●	●	●	●	●	●	●	●	●	●	●
F	F	F	F	F	F	F	F	F	F	F	F	F
G	G	G	G	G	G	G	G	G	G	G	G	G
H	H	H	●	H	H	H	H	H	H	H	H	H
I	I	I	I	I	●	I	I	I	I	I	I	I
J	J	J	J	J	J	J	J	J	J	J	J	J
K	K	K	K	●	K	K	K	K	K	K	K	K
L	L	L	L	L	L	L	L	L	L	L	L	L
M	M	M	M	M	M	●	M	M	M	M	M	M
N	N	N	N	N	N	N	N	N	N	N	N	N
O	O	O	O	O	O	O	O	O	O	O	O	O
P	P	P	P	P	P	P	P	P	P	P	P	P
Q	Q	Q	Q	Q	Q	Q	Q	Q	Q	Q	Q	Q
R	R	R	R	R	R	R	R	R	R	R	R	R
S	S	●	S	S	S	S	S	S	S	S	S	S
T	T	T	T	T	T	T	T	T	T	T	T	T
U	U	U	U	U	U	U	U	U	U	U	U	U
V	V	V	V	V	V	V	V	V	V	V	V	V
X	X	X	X	X	X	X	X	X	X	X	X	X
Y	Y	Y	Y	Y	Y	Y	Y	Y	Y	Y	Y	Y
Z	Z	Z	Z	Z	Z	Z	Z	Z	Z	Z	Z	Z

Në rubrikën KODI I IDENTIFIKIMIT duhet shënuar kodin e komunës , kodin e shkollës e kështu me radhë.

KODI I IDENTIFIKIMIT									
Komuna	Shkolla	Paratejpa	Nr. i ditarit	Nr. i sallës					
0	1	2	3	4	5	6	7	8	9
●	0	0	0	0	0	0	0	0	0
1	1	1	1	1	1	1	1	1	1
2	2	2	●	2	2	2	2	2	2
3	3	3	3	3	3	3	3	3	3
4	●	4	4	4	4	4	4	4	4
5	5	5	5	5	5	5	5	5	5
6	6	6	6	6	6	6	6	6	6
7	7	7	7	7	7	7	7	7	7
8	8	8	8	8	8	8	8	8	●
9	9	9	9	9	9	9	9	9	9

Në Broshurën e testit janë kërkesat (pyetjet) me nga katër alternativa, prej të cilave vetëm njëra është e saktë. Përgjigjen që mendoni se është e saktë duhet rrethuar në test dhe të njëjtën duhet bartur në Fletëpërgjigje.

Shembull: Kërkesa e testit

14. Është dhënë vargu i numrave: 1, 3, 7, 15, 31,... Cili është numri vijues në vargun e dhënë?

- A. 67
- B. 65
- C. 63
- D. 61

Alternativa C është e saktë. E rrethoni atë në test dhe të njëjtën e ngjyrosni me laps grafit në Fletëpërgjigje, në këtë mënyrë:



Përndryshe, do të konsiderohet gabim nëse plotësohet në formë tjetër, si p. sh.:



apo



Duhet pasur kujdes që, përgjigjen e saktë të një kërkesë të mos e vendosni mbi kërkesën tjetër. Duhet pasur kujdes që hijezimi i shënimeve të jetë i plotë.

Plotësoni me kujdes të gjitha të dhënat sipas udhëzimeve!

Lexoni me kujdes kërkesat – pyetjet e pastaj shënoni vetëm njërin nga katër përgjigjet që konsideroni se është e saktë.

Mbani në mend:

- Çdo pyetje e saktë vlerësohet me një pikë
- Çdo pyetje e pasaktë vlerësohet me zero pikë.
- Pyetja e paplotësuar, gjithashtu vlerësohet me zero pikë (0).

Fletëpërgjigja plotësohet vetëm me laps grafik (HB)!

Keni kujdes gjatë mbushjes dhe bartjes së përgjigjeve nga Broshura e testit në Fletë-përgjigje, sepse vetëm Fletëpërgjigjet lexohen/kontrollohen dhe jo Broshura e testit.

Pikë negative nuk ka!

Llogaritjet apo ndonjë shënim tjetër mund t'i bëni në Broshurë të testit, assesi në Fletëpërgjigje. Lapsat me ngjyrë nuk lexohen nga “Lexuesi Optik”.